

জাতীয় বিশ্ববিদ্যালয়

গাজীপুর



প্রজ্ঞাপন

(নং- ০১(৮৩) জাতীঃ বিঃ/পরিঃ/৯৮/সিনেট)

২৫ জুলাই, ১৯৯৮ ইং/১০ শ্রাবণ, ১৪০৫ বাং

জাতীয় বিশ্ববিদ্যালয় সিন্ডিকেট কর্তৃক প্রস্তাবিত ‘জাতীয় বিশ্ববিদ্যালয় (অধিভুক্ত কলেজ/ শিক্ষা প্রতিষ্ঠান সমূহের গভর্ণিং বডি) সংশোধন সংবিধি ১৯৯৮’ সিনেট কর্তৃক ২৫-৭-৯৮ ইং তারিখে অনুমোদিত হইয়াছে। এতদ্বারা নিম্নলিখিত সংবিধি অধিভুক্ত সকল কলেজ ও সংশ্লিষ্ট সকলের অবগতি ও প্রয়োজনীয় ব্যবস্থা গ্রহণের জন্য প্রকাশ করা যাইতেছে :-

জাতীয় বিশ্ববিদ্যালয় (অধিভুক্ত কলেজ/শিক্ষা প্রতিষ্ঠান সমূহের গভর্ণিং বডি) সংশোধন সংবিধি ১৯৯৮

যেহেতু জাতীয় বিশ্ববিদ্যালয় (অধিভুক্ত কলেজসমূহের গভর্ণিং বডি) সংবিধি ১৯৯৩ এবং জাতীয় বিশ্ববিদ্যালয় (অধিভুক্ত কলেজসমূহের গভর্ণিং বডি) সংবিধি ১৯৯৪ এর অধিকতর সংশোধন সমীচীন ও প্রয়োজন সেহেতু জাতীয় বিশ্ববিদ্যালয় আইন ১৯৯২ (১৯৯২ সালের ৩৭ নম্বর আইন) এর ৪৫ ধারায় প্রদত্ত ক্ষমতাবলে এতদ্বারা নিম্নরূপ সংবিধি প্রণয়ন করা হইল;

১। সংক্ষিপ্ত শিরোনাম, প্রবর্তন ও প্রয়োগ :

(ক) এই সংবিধি “ জাতীয় বিশ্ববিদ্যালয় (অধিভুক্ত কলেজ/শিক্ষা প্রতিষ্ঠানসমূহের গভর্ণিং বডি) সংশোধন সংবিধি ১৯৯৮” নামে অভিহিত হইবে;

(খ) ইহা অবিলম্বে কার্যকরী হইবে।

মূল্য : দশ টাকা

২। সংজ্ঞা : বিষয় বা প্রসংগে পরিপন্থী কোন কিছু না থাকিলে এই সংবিধিতে

- (ক) “আইন” অর্থ জাতীয় বিশ্ববিদ্যালয় আইন, ১৯৯২ (১৯৯২ সনের ৩৭ নং আইন)।
- (খ) “অধিভুক্ত কলেজ” অর্থ আইন, সংবিধি ও বিশ্ববিদ্যালয় রেগুলেশন এর বিধান অনুযায়ী বিশ্ববিদ্যালয় কর্তৃক স্বীকৃত ও অধিভুক্ত স্নাতক ও স্নাতকোত্তর পর্যায়ের সকল কলেজ/শিক্ষা প্রতিষ্ঠান;
- (গ) “অধ্যক্ষ” অর্থ অধিভুক্ত কলেজের অধ্যক্ষ;
- (ঘ) “কলেজ” অর্থ অধিভুক্ত কলেজ;
- (ঙ) “বিশ্ববিদ্যালয়” অর্থ জাতীয় বিশ্ববিদ্যালয়;
- (চ) “শিক্ষক” অর্থ কলেজের অধ্যক্ষ, উপাধ্যক্ষ, অধ্যাপক, সহযোগী অধ্যাপক, সহকারী অধ্যাপক, প্রভাষক অথবা এমন কোন ব্যক্তি যিনি কলেজে শিক্ষাদানের জন্য নিয়োগপ্রাপ্ত হইয়াছেন। (কলেজের নির্ধারিত যোগ্যতাসম্পন্ন গ্রন্থাগারিক, ডেমোস্ট্রেটর ও শরীরচর্চা শিক্ষক কলেজের শিক্ষক হিসাবে গণ্য হইবেন ;)
- (ছ) “ভাইস-চ্যান্সেলর” অর্থ জাতীয় বিশ্ববিদ্যালয়ের ভাইস-চ্যান্সেলর;
- (জ) “বিধিসম্মত অভিভাবক” অর্থ ছাত্র/ছাত্রীর পিতা বা মাতা;
তবে শর্ত থাকে যে, পিতা-মাতা জীবিত না থাকলে অভিভাবকত্ব আইনের বিধান অনুসারে অন্য কোন ব্যক্তি বিধিসম্মত অভিভাবক বলিয়া গণ্য হইবেন।
আরও শর্ত থাকে যে, কোন বিবাহিতা মহিলার স্বামী তাঁহার বিধিসম্মত অভিভাবক বলিয়া গণ্য হইবেন যদি তিনি নিজে একই প্রতিষ্ঠানের ছাত্র না হন।
- (ঝ) “সিডিকেট” অর্থ জাতীয় বিশ্ববিদ্যালয় সিডিকেট;
- (ঞ) “প্রতিষ্ঠাতা” অর্থ বেসরকারী কলেজ প্রতিষ্ঠার ব্যাপারে ট্রাস্ট দলিলসহ অন্যান্য প্রাসংগিক দলিলপত্রে প্রতিষ্ঠাতা বলিয়া উল্লিখিত ব্যক্তি বা ব্যক্তিবর্গ;

তবে শর্ত থাকে যে, কোন ব্যক্তি বা আইন অনুযায়ী প্রতিষ্ঠিত কোন সংস্থা ন্যূনপক্ষে যথাক্রমে ৭০,০০০/- (সত্তর হাজার) টাকা এবং ১,২৫,০০০/- (এক লক্ষ পঁচিশ হাজার) টাকা অথবা সমমূল্যের সম্পত্তি কলেজ প্রতিষ্ঠার সময় প্রদান করিলে তাহারাও প্রতিষ্ঠাতা বলিয়া গণ্য হইবেন। এইরূপ প্রতিষ্ঠাতা মৃত্যুমুখে পতিত হইলে তাঁহার উত্তরাধিকারীদের মধ্য হইতে তাহাদের মনোনীত একজন ব্যক্তি প্রতিষ্ঠাতা বলিয়া গণ্য হইবেন।

- (ট) “দাতা” অর্থ যাহারা ন্যূনপক্ষে ৫০,০০০/- (পঞ্চাশ হাজার) টাকা বা সমমূল্যের সম্পদ কোন বেসরকারী কলেজকে এককালীন দান করিবেন। দাতাগণ দাতা প্রতিনিধি নির্বাচনে আজীবন অংশগ্রহণ করিতে পারিবেন। তবে তাঁহাদের কোন উত্তরাধিকারীর এই অধিকার থাকিবে না;
- (ঠ) “সংবিধি” ও “রেগুলেশন” অর্থ জাতীয় বিশ্ববিদ্যালয় এর সংবিধি ও রেগুলেশন;
- (ড) “হিতৈষী” অর্থ যাহারা কলেজের অনুকূলে বার্ষিক ন্যূনপক্ষে ১০,০০০/- (দশ হাজার) টাকা দান করিবেন। অনুরূপ হিতৈষীবৃন্দ যেই বৎসর অর্থ দান করিবেন সেই বৎসরে পরিচালিত নির্বাচনে অংশগ্রহণ করিতে পারিবেন।
- ৩। প্রত্যেক অধিভুক্ত কলেজ (সরকারী ও বেসরকারী) সর্ব সাধারণের শিক্ষা প্রতিষ্ঠান হইবে এবং ধর্ম, বর্ণ, গোত্র নির্বিশেষে সকলের জন্য উন্মুক্ত থাকিবে।
- ৪। গভর্নিং বডি গঠন :
- (১) প্রত্যেক অধিভুক্ত কলেজ (সরকারী ও বেসরকারী) নিয়মিতভাবে গঠিত একটি গভর্নিং বডি দ্বারা পরিচালিত হইবে। এই গভর্নিং বডির কার্যকাল হইবে ৩ (তিন) বৎসর।
- (২) এই বিশ্ববিদ্যালয়ে অধিভুক্ত সকল কলেজ (২৩ ধারায় বর্ণিত কলেজ এবং দেশরক্ষা বাহিনী কর্তৃক পরিচালিত কলেজসমূহ ব্যতীত এর বডি নিম্নলিখিত সদস্য সমন্বয়ে গঠিত হইবে :
- (i) সভাপতি : ভাইস-চ্যান্সেলর কর্তৃক মনোনীত কোন ব্যক্তি
তবে শর্ত থাকে যে, কোন সরকারী কর্মকর্তাকে মনোনীত করিতে হইলে তাঁহার নিয়ন্ত্রণকারী কর্তৃপক্ষের লিখিত সম্মতি গ্রহণ করিতে হইবে।
- (ii) সদস্য সচিব : কলেজের অধ্যক্ষ/অধ্যক্ষা (পদাধিকার বলে)।
- (iii) অন্যান্য সদস্য :
- (ক) ৩ (তিন) জন শিক্ষক প্রতিনিধি :
- যাহারা শিক্ষকগণের ভোটে এক বৎসরের জন্য নির্বাচিত হইবেন;
তবে শর্ত থাকে যে, কোন খন্ডকালীন বা সাময়িকভাবে বরখাস্তকৃত শিক্ষকের ভোটাধিকার থাকিবেনা।
- আরও শর্ত থাকে যে, আইন কলেজের খন্ডকালীন শিক্ষকগণেরও ভোটাধিকার থাকিবে।

(খ) ৩ (তিন) জন বিধি সম্মত অভিভাবক প্রতিনিধি :

যাহারা বিধিসম্মত অভিভাবকগণের মধ্য হইতে তাঁহাদের দ্বারা নির্বাচিত হইবেন;

তবে শর্ত থাকে যে, বিধিসম্মত অভিভাবক যদি ছাত্র/ছাত্রী নিজেই হয়, তবে সে বিধিসম্মত অভিভাবকগণের প্রতিনিধি হিসাবে নির্বাচিত হইতে পারিবে না। কলেজের কোন কর্মচারী কোন ছাত্র/ছাত্রীর বিধিসম্মত অভিভাবক হইলে তিনিও বিধিসম্মত অভিভাবক প্রতিনিধি হিসাবে নির্বাচিত হইতে পারিবেন না।

(গ) ২ (দুই) জন বিদ্যোৎসাহী প্রতিনিধি :

যাঁহাদের একজন ভাইস-চ্যান্সেলর কর্তৃক এবং অপর জন মাধ্যমিক ও উচ্চ শিক্ষা অধিদপ্তরের মহা-পরিচালক কর্তৃক মনোনীত হইবেন;

তবে শর্ত থাকে যে, কলেজে উচ্চ মাধ্যমিক শাখা থাকিলে আরও একজন বিদ্যোৎসাহী সদস্য থাকিবেন যিনি সংশ্লিষ্ট উচ্চ মাধ্যমিক শিক্ষা বোর্ডের চেয়ারম্যান কর্তৃক মনোনীত হইবেন।

(ঘ) প্রতিষ্ঠাতা প্রতিনিধি :

প্রতিষ্ঠাতাগণের মধ্য হইতে একজন প্রতিনিধি তাঁহাদের ভোটে নির্বাচিত হইবেন;

তবে শর্ত থাকে যে, প্রতিষ্ঠাতা একজন হইলে তিনি সদস্য হিসাবে গণ্য হইবেন।

আরও শর্ত থাকে যে, প্রতিষ্ঠাতা আইনের দ্বারা প্রতিষ্ঠিত কোন সংস্থা হইলে এই সংস্থা গভর্নিং বডির সদস্য হিসাবে একজন ব্যক্তিকে সেই গভর্নিং বডির সময়কালের জন্য মনোনয়ন দান করিবে।

(ঙ) দাতা প্রতিনিধি :

দাতাগণের মধ্য হইতে একজন প্রতিনিধি দাতাদের ভোটে নির্বাচিত হইবেন;

(চ) হিতৈষী প্রতিনিধি :

হিতৈষীগণের মধ্য হইতে একজন প্রতিনিধি তাঁহাদের ভোটে নির্বাচিত হইবেন;

(ছ) একজন রেজিস্ট্রিকৃত চিকিৎসক :

উপরে ক-চ এর অধীনে মনোনীত/নির্বাচিত সদস্যবৃন্দ সমন্বয়ে গঠিত গভর্নিং বডি'র প্রথম সভায় মনোনীত (কো-অপ্টেড) হইবেন।

(iv) বিশেষ ক্ষেত্রে কোন কলেজের গভর্নিং বডি উপরে বর্ণিত পদ্ধতি বহির্ভূতভাবেও গঠিত হইতে পারিবে। এইরূপ ক্ষেত্রে গভর্নিং বডি গঠন বিশ্ববিদ্যালয়ের পূর্ব অনুমোদন ও সম্মতিক্রমে হইবে।

(v) কোন ব্যক্তি গভর্নিং বডি'র নির্বাচনে একাধিক গ্রুপ হইতে প্রার্থী হইতে পারিবেন না। কোন শিক্ষক/শিক্ষিকা শিক্ষক প্রতিনিধি নির্বাচন ছাড়া গভর্নিং বডি'র অন্য কোন নির্বাচনে প্রার্থী হইতে পারিবেন না।

(৩) সরকারী কলেজের গভর্নিং বডি গঠনের ক্ষেত্রে উপরের (২) (i i i) ধারার (ঘ), (ঙ) ও (চ) উপধারা প্রযোজ্য হইবে না।

৫। এডহক কমিটি :

(১) কোন কলেজ নির্ধারিত সময়ের মধ্যে গভর্নিং বডি পুনর্গঠনে ব্যর্থ হইলে অথবা কোন গভর্নিং বডি বাতিল হইলে অথবা কোন উচ্চ মাধ্যমিক কলেজ ডিগ্রী কলেজ হিসাবে অধিভুক্ত লাভ করিলে নিম্নরূপ এডহক কমিটি গঠিত হইবে :

(ক) সভাপতি : ভাইস-চ্যান্সেলর কর্তৃক মনোনীত;

(খ) সদস্য সচিব : কলেজের অধ্যক্ষ/অধ্যক্ষা (পদাধিকার বলে);

(গ) বিদ্যোৎসাহী সদস্য একজন : ভাইস-চ্যান্সেলর কর্তৃক মনোনীত;

(ঘ) শিক্ষক প্রতিনিধি একজন : শিক্ষকদের মধ্য হইতে নির্বাচিত হইবেন;

(ঙ) প্রতিষ্ঠাতা, দাতা ও হিতৈষীগণের মধ্যে হইতে একজন সদস্য : এডহক কমিটির সভাপতি কর্তৃক মনোনীত হইবেন (বেসরকারী কলেজের ক্ষেত্রে প্রযোজ্য)।

(২) এডহক কমিটির মেয়াদ সাধারণতঃ ৬ (ছয়) মাস হইবে;

- (৩) এডহক কমিটি গভর্নিং বডি়র সকল ক্ষমতা প্রয়োগ এবং সকল দায়িত্ব পালন করিবে। তবে ৬ (ছয়) মাসের মধ্যে কলেজের গভর্নিং বডি়র পুনর্গঠন কার্য এডহক কমিটি কর্তৃক সম্পন্ন করিতে হইবে;
- (৪) এডহক কমিটি ছয় মাসের পরে কোন কার্য সম্পাদন করিতে পারিবে না। তবে শর্ত থাকে যে, বিশেষ অবস্থায় ভাইস-চ্যান্সেলর এডহক কমিটির মেয়াদ সর্বাধিক ছয় মাসের জন্য বর্ধিত করিতে পারিবেন;
- (৫) ৩ (তিন) জন সদস্যের উপস্থিতিতে এডহক কমিটির সভার কোরাম (Quorum) হইবে।

- ৬। গভর্নিং বডি়র সভাপতি বা কোন সদস্য পদে মনোনয়নদানে মনোনয়ন প্রদানকারী কর্তৃপক্ষের নিরংকুশ এখতিয়ার থাকিবে এবং এইরূপে মনোনয়নদানকারী কর্তৃপক্ষ কোন ব্যক্তিকে মনোনীত করিবার পর যে কোন সময় এই মনোনয়ন প্রত্যাহার এবং নতুন মনোনয়নদান করিতে পারিবেন। কোন ব্যক্তি একটি কলেজের গভর্নিং বডি়তে একাধিক মনোনয়নদানকারী কর্তৃপক্ষের নিকট হইতে মনোনয়ন লাভ করিতে পারিবেন না বা একাধিক ক্যাটেগরীতে নির্বাচিত/মনোনীত হইতে পারিবেন না।
- ৭। উপরে উল্লিখিত ৪ ধারার অধীনে বিদ্যোৎসাহী প্রতিনিধি মনোনীত না হওয়ার কারণে গভর্নিং বডি়র কার্য ব্যাহত হইবে না।
- ৮। অধিভুক্ত কলেজে গভর্নিং বডি়র সভাপতি ও সদস্যগণ বাংলাদেশের নাগরিক হইবেন এবং তাঁহারা সাধারণভাবে বাংলাদেশের বাসিন্দা হইবেন।
তবে শর্ত থাকে যে, এই বিধি কোন ট্রাস্ট বা মিশন কর্তৃক পরিচালিত কলেজের ক্ষেত্রে প্রযোজ্য হইবে না।
- ৯। এই সংবিধি অনুযায়ী গঠিত গভর্নিং বডি়র কার্যকাল ইহার সভাপতি পদে মনোণয়নের তারিখ হইতে তিন বৎসরের জন্য হইবে।
সভাপতি পদে মনোনয়নদানের তিন মাসের মধ্যে গভর্নিং বডি়র প্রথম সভা আহ্বান করিতে হইবে।
তবে শর্ত থাকে যে, শিক্ষক প্রতিনিধির কার্যকাল এক বৎসর হইবে।
আরও শর্ত থাকে যে, সাময়িকভাবে সৃষ্ট শূন্য পদে মনোনীত/ নির্বাচিত সদস্য গভর্নিং বডি়র মেয়াদের বাকী সময়ের জন্য সদস্য পদে বহাল থাকিবেন।

আরও শর্ত থাকে যে, কোন কারণে নতুন গভর্নিং বডির সভাপতি মনোনয়নে বিলম্বে ঘটিলে পূর্ববর্তী গভর্নিং বডি ভাইস-চ্যান্সেলর এর অনুমতিক্রমে অনুধর্ষ তিনমাস কার্যকর থাকিবে।

১০। গভর্নিং বডির কোন সদস্য পদের শূন্যতা অথবা গভর্নিং বডির কোন পদে নিযুক্তি বা মনোনয়নদানে বিলম্ব বা ত্রুটির কারণে গভর্নিং বডির কার্যক্রম বাতিল বলিয়া গণ্য হইবে না।

১১। গভর্নিং বডির সদস্য হওয়ার/ থাকার অযোগ্যতা :

কোন ব্যক্তি কোন কলেজের গভর্নিং বডির সদস্য হইবার যোগ্য হইবেন না অথবা সদস্য হিসাবে কাজ করিতে পারিবেন না :

(ক) যদি তিনি সেই কলেজের স্বার্থ বিরোধী বা ইহার সুনাম নষ্ট হয় এইরূপ কোন কর্মকাণ্ডে অংশগ্রহণ করেন অথবা কোন ভাবে তাহাতে সহায়তা দান করেন, অথবা

(খ) যদি বাংলাদেশের কোন আইনের মাধ্যমে প্রতিষ্ঠিত কোন আদালতে তিনি নৈতিকতা বিরোধী কোন অপরাধের কারণে দণ্ডিত হইয়া থাকেন, অথবা

(গ) যদি তিনি গভর্নিং বডির সদস্য হওয়া সত্ত্বেও কোন প্রকার লিখিত অবগতি ব্যতীত পর পর তিনটি সভায় যোগদান করিতে ব্যর্থ হন, অথবা

(ঘ) যদি তিনি কলেজে শিক্ষক ব্যতীত অন্য কোন কর্মচারী হন অথবা নির্বাচিত হওয়ার পরে একজন কর্মচারী নিযুক্ত হন।

১২। গভর্নিং বডি বাতিলকরণ :

(১) নিম্নের (২) উপধারায় বর্ণিত শর্ত সাপেক্ষে অদক্ষতা, আর্থিক অনিয়ম, অব্যবস্থা এবং অন্যান্য অনুরূপ কারণে বিশ্ববিদ্যালয় যদি এই মর্মে সন্তুষ্ট হয় যে, গভর্নিং বডি বিশ্ববিদ্যালয় কর্তৃক জারীকৃত সাধারণ বা বিশেষ নির্দেশ মোতাবেক কলেজের শৃঙ্খলা বজায় রাখিতে বা কাজ চালাইয়া যাইতে ব্যর্থ হইয়াছে, তবে সিডিকেট এই গভর্নিং বডি বাতিল করার ক্ষমতা সংরক্ষণ করিবে।

(২) উপরে বর্ণিত (১) উপধারা অনুযায়ী একটি গভর্নিং বডি বাতিলের পূর্বে ঐ গভর্নিং বডি কেন বাতিল করা হইবে না এই মর্মে কারণ দর্শাইবার জন্য সিডিকেট নির্দেশ প্রদান করিবে। গভর্নিং বডি এইরূপ নির্দেশনামা প্রাপ্তির ত্রিশ দিনের মধ্যে কারণ দর্শাইবে।

- (৩) সিডিকেট যে তারিখ উল্লেখ করিবে বিশ্ববিদ্যালয় কর্তৃক বাতিলকৃত গভর্ণিং বডির কার্যক্ষমতা সেই তারিখ হইতে রহিত হইবে।
- (৪) ডিগ্রী কলেজ হিসাবে প্রথম অধিভুক্তির পরে একটি উচ্চ মাধ্যমিক কলেজের গভর্ণিং বডি বাতিল বলিয়া গণ্য হইবে।

১৩। বেসরকারী কলেজের গভর্ণিং বডির ক্ষমতা ও দায়িত্ব :

- (১) বিশ্ববিদ্যালয় আইন, সংবিধি ও রেগুলেশন অনুযায়ী একটি অধিভুক্ত বেসরকারী কলেজের গভর্ণিং বডি ঐ কলেজ পরিচালনা ও তদারকি করিবে, ইহার লেখাপড়ার মান নিশ্চিত করিবে ও শৃঙ্খলা বজায় রাখিবে এবং ইহা ছাড়াও সংবিধি ও রেগুলেশন প্রদত্ত অন্যান্য সকল ক্ষমতা প্রয়োগ ও সকল দায়িত্ব পালন করিবে।

(২) গভর্ণিং বডি :

- (ক) কলেজের নির্বাহী সংগঠন হইবে এবং কলেজের সম্পত্তি ও তহবিল রক্ষণাবেক্ষণ ও নিয়ন্ত্রণ করিবে;

- (খ) বিশ্ববিদ্যালয়ের সংবিধি বা রেগুলেশনের মাধ্যমে অধ্যক্ষকে প্রদত্ত ক্ষমতা সাপেক্ষে সংবিধি ও রেগুলেশন মোতাবেক কলেজের যাবতীয় বিষয় নিয়ন্ত্রণ ও নির্ধারণ করিবে;

- (গ) অধ্যক্ষ ও শিক্ষকমণ্ডলী নিয়োগ করিবে;

তবে শর্ত থাকে যে, এইরূপ সকল নিয়োগ নির্বাচনী বোর্ডের সুপারিশ মোতাবেক হইবে।

আরও শর্ত থাকে যে, গভর্ণিং বডির অবগতি ও অনুমোদনক্রমে কলেজের অন্যান্য কর্মচারীগণ অধ্যক্ষ কর্তৃক নিযুক্ত হইবেন।

- (ঘ) যেভাবে উপর্যুক্ত বলিয়া প্রতীয়মান হইবে সেইভাবে পদ সৃষ্টি করিবে এবং বেতনক্রম ও সুবিধাদি নির্ধারণ করিবে;

- (ঙ) শিক্ষক, কর্মকর্তা ও কর্মচারীর নিয়োগ, ছুটি, শাস্তিমূলক ব্যবস্থা, বেতনক্রম, ভাতা, অবসরভাতা ও গ্রাচুইটির ক্ষেত্রে বিশ্ববিদ্যালয় কর্তৃক অনুমোদিত চাকুরী বিধি অনুযায়ী কাজ করিবে।

তবে শর্ত থাকে যে, অধিভুক্ত বেসরকারী কলেজের কোন শিক্ষককে সাময়িক বরখাস্ত বা অব্যাহতি প্রদানের পূর্বে অভিযুক্ত শিক্ষককে তাঁহার বিরুদ্ধে

আনীত অভিযোগ খন্ডন করিবার এবং বক্তব্য থাকিলে তাহা পেশ করিবার সুযোগ দান করিতে হইবে।

(চ) কলেজের পক্ষ হইতে কোন ব্যক্তি বা সংস্থা কর্তৃক উইলকৃত অথবা দানকৃত অথবা হস্তান্তরিত স্থাবর ও অস্থাবর সম্পদ/সম্পত্তি গ্রহণ, বিনিয়োগ ও পরিচালনা করিবে;

(ছ) প্রয়োজন মোতাবেক কমিটি গঠন করিবে ;

তবে শর্ত থাকে যে, এইরূপে গঠিত কমিটির সুপারিশমালা বাস্তবায়নের পূর্বে গভর্নিং বডি তাহা পর্যালোচনা করিবে এবং ঐ সুপারিশমালা গ্রহণ, সংশোধন বা বাতিল করিতে পারিবে;

(জ) কলেজের যাবতীয় অর্থ হিসাব, বিনিয়োগ, সম্পত্তি এবং সকল প্রশাসনিক বিষয়ে ব্যবস্থা গ্রহণ ও নিয়ন্ত্রণ করিবে এবং এই উদ্দেশ্যে প্রয়োজনে বিধি সংগতভাবে এজেন্ট নিয়োগ করিতে পারিবে;

(ঝ) বিশ্ববিদ্যালয়ের সংবিধি, রেগুলেশন ও প্রবিধান মানিয়া চলিবে তবে সংশ্লিষ্ট সংবিধি, রেগুলেশন ও প্রবিধানে উল্লেখ নাই এইরূপ সকল বিষয়ে সিন্ডিকেটের অনুমোদন সাপেক্ষে কলেজের সুষ্ঠু ব্যবস্থাপনার জন্য অন্যান্য ক্ষমতা প্রয়োগ করিতে পারিবে।

(৩) কলেজে ছাত্র/ছাত্রী ভর্তি, ভর্তির ন্যূনতম যোগ্যতা, পাঠ্য বিষয়, পাঠ্যক্রম ও পাঠ্যসূচী এবং পরীক্ষা ইত্যাদি বিষয়ে বিশ্ববিদ্যালয় কর্তৃক সময় সময় যে সকল নির্দেশমালা জারী হইবে গভর্নিং বডি তাহা মানিয়া চলিতে বাধ্য থাকিবে।

(৪) সংবিধি ও রেগুলেশন দ্বারা শিক্ষকগণের নিয়োগ, চাকুরীর শর্তাবলী, তাঁহাদের যোগ্যতা, পারিশ্রমিক, কর্তব্য, দায়িত্ব, শাস্তিমূলক ব্যবস্থা এবং ছাত্র/ছাত্রীগণের সুবিধা সম্পর্কে বিশ্ববিদ্যালয় প্রদত্ত যাবতীয় নির্দেশ গভর্নিং বডি মানিয়া চলিবে।

(৫) (ক) গভর্নিং বডি বিশ্ববিদ্যালয়ের সংবিধি ও রেগুলেশন অনুযায়ী দক্ষতার সহিত কলেজ পরিচালনার জন্য নিয়মিতভাবে সভায় মিলিত হইবে এবং সিদ্ধান্ত গ্রহণ করিবে;

- (খ) বিশ্ববিদ্যালয়, সরকার বা অন্যান্য কর্তৃপক্ষের চাহিদা মোতাবেক কলেজের বার্ষিক প্রতিবেদন ও অন্যান্য প্রতিবেদন প্রস্তুত ও পেশ করার ব্যবস্থা গ্রহণ করিবে;
- (গ) গভর্নিং বডি কলেজের বার্ষিক বাজেট বিবেচনা ও অনুমোদন করিবে;
- (ঙ) কলেজ তহবিলের হিসাব যথাযথ সংরক্ষণ ও নিরীক্ষণের ব্যবস্থা করিবে।

১৪। গভর্নিং বডির সভা পরিচালনা পদ্ধতি :

গভর্নিং বডির সভা সাধারণত: যুক্তিসংগত বিরতি সহকারে বৎসরে যতবার প্রয়োজন ততবারই অনুষ্ঠিত হইবে;

তবে শর্ত থাকে যে, কোন বৎসর অনুষ্ঠিত সভার সংখ্যা তিন এর কম হইবে না (জরুরী ও বিশেষ সভা ব্যতীত)।

- ১৫। গভর্নিং বডির সভাপতির সহিত আলোচনাক্রমে সদস্য-সচিব সভার তারিখ নির্ধারণ করিবেন। একাধিকবার লিখিত অনুরোধ সত্ত্বেও অধ্যক্ষ সভা আহ্বান করিতে ব্যর্থ হইলে অথবা অধ্যক্ষ নিজেই গভর্নিং বডির আইনগত প্রতিপক্ষ হওয়ার কারণে সভা আহ্বানের ব্যাপারে সভাপতির সহিত সহযোগিতা না করিলে সভাপতি কলেজের সার্বিক স্বার্থে নিজেই সভা আহ্বান করিতে পারিবেন।
- ১৬। সদস্য-সচিব সাত দিনের নোটিশে আলোচ্য বিষয় সম্বলিত সভার বিজ্ঞপ্তি গভর্নিং বডির সভাপতি ও সকল সদস্যের নিকট রেজিস্ট্রি ডাকযোগে বা বার্তা বাহকের মাধ্যমে প্রেরণ করিবেন।
- ১৭। ন্যূনপক্ষে এক তৃতীয়াংশ সদস্য কর্তৃক স্বাক্ষরিত তলব প্রাপ্তির পনের দিনের মধ্যে সদস্য-সচিব গভর্নিং বডির তলবী সভা আহ্বান করিবেন।
- ১৮। বিশেষ পরিস্থিতির উদ্ভব হইলে সভাপতির পরামর্শক্রমে গভর্নিং বডির জরুরী সভা লিখিতভাবে চব্বিশ ঘন্টার নোটিশে আহ্বান করা যাইবে এবং এই ধরনের সভা কলেজের অবকাশকালীন সময়েও অনুষ্ঠিত হইতে পারিবে।
- ১৯। সদস্য-সচিব সভার কার্যবিবরণী বহি সংরক্ষণ করিবেন এবং গভর্নিং বডির সভার সিদ্ধান্ত সমূহ উক্ত বহিতে লিপিবদ্ধ করিবেন এবং পরবর্তী সভায় উহা সঠিকভাবে লিপিবদ্ধ হইয়াছে বলিয়া সভাপতি কর্তৃক স্বাক্ষরিত হইবে।

২০। (১) গভর্নিং বডি়র সভাপতি়র অনুপস্থি়তিতে তাঁহা়র অনুমোদনক্রমে উপস্থি়ত সদস্যদে়র মধ্য হইতে একজন সদস্য ঐ সভা়র সভাপতি নির্বাচিত হইবে।

(২) পাঁচজন সদস্যে়র উপস্থি়তিতে ‘কোৱাম’ (Quorum) হইবে।

২১। বেসরকা়রী কলেজে়র সদস্য-সচিব হিসাবে অধ্যক্ষে়র ক্ষমতা :

- (ক) উপরে উল্লিখিত ক্ষমতা ছাড়াও বেসরকা়রী কলেজে়র অধ্যক্ষ সদস্য-সচিব হিসাবে কলেজে়র তহবিল ও সম্পত্তি়র দলিলপত্র এবং অন্যান্য রেকর্ডপত্র সংরক্ষণ ক়রিবে।
- (খ) নতুন খসড়া বাজেট প্রণয়ন, ছুটি়র তালিকা প্রস্তুত এবং বিনাবেতনে পড়া়র উপযোগী ছাত্র/ছাত্রীগণে়র তালিকা প্রস্তুতকরণে়র উদ্যোগ গ্রহণ ক়রিবে এবং ঐই সকল বিষয় গভর্নিং বডি়র সভায় পেশ ক়রিবে।
- (গ) তিনি শিক্ষক/কর্মচা়রী নিয়োগ সংক্রান্ত প্রস্তাব এবং উন্নয়ন পরিকল্পনা গভর্নিং বডি়র সভায় পেশ ক়রিবে।
- (ঘ) কলেজে়র স্বার্থে যে কোন বিষয় গভর্নিং বডি়র গোচরীভূত ক়রিবে;
- (ঙ) তিনি সকল শিক্ষক ও কর্মচা়রীদে়র নৈমিত্তিক ছুটি মঞ্জু়র ক়রিতে প়রিবে।

২২। সরকারী কলেজে়র গভর্নিং বডি়র দায়িত্ব ও কর্তব্য :

সরকা়র কর্তৃক বিভিন্ন সময়ে প্রদত্ত দায়িত্ব পালন ছাড়াও সরকারী কলেজে়র গভর্নিং বডি় নিম্নবর্ণিত দায়িত্ব পালন ক়রিবে :

- ১) বিশ্ববিদ্যালয়ে়র সংবিধি ও রেগুলেশন এবং সরকারী নির্দেশ মোতাবেক নিয়মিত সভায় মিলিত হইবে এবং সুষ্ঠুভাবে কলেজ প়রিচালনা়র বিষয়ে পরামর্শ দান ক়রিবে;
- ২) অধ্যক্ষ কর্তৃক পেশকৃত লেখাপড়া়র অগ্রগতি সম্পর্কিত প্রতিবেদন বিবেচনা ক়রিবে এবং প্রয়োজনীয় নির্দেশনা দান ক়রিবে;
- ৩) কলেজে়র উন্নয়ন পরিকল্পনা পর্যালোচনা ক়রিবে এবং প্রয়োজনবোধে তাহা সংশোধনে়র সুপা়রিশ ক়রিবে।
- ৪) বিশেষ প়রিস্থি়তিতে অধ্যক্ষে়র অনুরোধে কলেজ সংক্রান্ত যে কোন সমস্যা বিবেচনা ক়রিবে এবং তাহা়র সমাধানকল্পে প্রয়োজনীয় নির্দেশনা দান ক়রিবে;
- ৫) বিশ্ববিদ্যালয় ও সরকার কর্তৃক প্রদত্ত অন্যান্য দায়িত্ব পালন ক়রিবে।

২৩। শিক্ষক প্রশিক্ষণ কলেজ, শারীরিক শিক্ষা কলেজ, চারু ও কারুকলা কলেজ, সঙ্গীত কলেজ এবং আইন কলেজের গভর্নিং বডি :

১) অধিভুক্ত সকল শিক্ষক প্রশিক্ষণ কলেজ, শারীরিক শিক্ষা কলেজ, চারু ও কারুকলা কলেজ, সঙ্গীত কলেজ এবং আইন কলেজ এর গভর্নিং বডি নিম্নরূপে গঠিত হইবে :

(ক) সভাপতি : ভাইস-চ্যান্সেলর কর্তৃক মনোনীত কোন ব্যক্তি (আইন কলেজের ক্ষেত্রে বিশিষ্ট আইনজীবী/আইনবিদ/ অবসরপ্রাপ্ত বিচারক/বিচারকগণকে অগ্রাধিকার দেওয়া হইবে)।

(খ) সদস্য-সচিব : কলেজের অধ্যক্ষ/অধ্যক্ষা (পদাধিকার বলে)।

(গ) ভাইস-চ্যান্সেলর কর্তৃক মনোনীত দুইজন সদস্য।

(ঘ) সরকার কর্তৃক মনোনীত তিনজন বিদ্যোৎসাহী ব্যক্তি (আইন কলেজের ক্ষেত্রে একজন)।

(ঙ) দুইজন শিক্ষক প্রতিনিধি (কলেজের শিক্ষকগণ কর্তৃক এক বৎসরের জন্য নির্বাচিত)।

২) উপরের ২৩ (১) উপধারায় বর্ণিত সকল সরকারী কলেজের দায়িত্ব ও কর্তব্য ২২ ধারায় বর্ণিত সরকারী কলেজের গভর্নিং বডির দায়িত্ব ও কর্তব্যের অনুরূপ এবং সকল বেসরকারী কলেজের ক্ষমতা ও দায়িত্ব ১৩ ধারায় বর্ণিত বেসরকারী কলেজের গভর্নিং বডির ক্ষমতা ও দায়িত্বের অনুরূপ হইবে।

২৪। গভর্নিং বডির নির্বাচন পদ্ধতি :

১) গভর্নিং বডির নির্বাচন সাধারণত: শিক্ষাবর্ষের প্রথমভাগে অনুষ্ঠিত হইবে।

২) শিক্ষক প্রতিনিধি নির্বাচন :

(ক) প্রতি বৎসর অধ্যক্ষ কর্তৃক নির্ধারিত তারিখে গভর্নিং বডির শিক্ষক প্রতিনিধি নির্বাচন অনুষ্ঠিত হইবে।

(খ) অধ্যক্ষ শিক্ষকগণের মধ্যে হইতে তাঁহার দ্বারা নির্ধারিত তারিখের মধ্যে শিক্ষক প্রতিনিধি নির্বাচনের জন্য মনোনয়নপত্র আহ্বান করিবেন এবং নির্দিষ্ট তারিখের পরে আর কোন মনোনয়নপত্র গ্রহণ করা হইবেনা বলিয়া শিক্ষকগণকে জানাইয়া দিবেন। যে কোন শিক্ষক তিনজন শিক্ষকের নাম মনোনয়নের জন্য প্রস্তাব বা সমর্থন করিতে পারিবেন। অধ্যক্ষ মনোনয়নপত্র বাছাইয়ের পর প্রার্থীদের চূড়ান্ত তালিকা প্রস্তুত করিবেন এবং নাম ঘোষণা করিবেন।

- (গ) যদি প্রার্থীর সংখ্যা তিন এর অধিক না হয় তবে তাঁহারা নির্বাচিত হইয়াছেন বলিয়া ঘোষণা করিবেন।
- (ঘ) যদি প্রার্থীর সংখ্যা তিনজন-এর অধিক হয় তবে অধ্যক্ষ একটি নির্দিষ্ট তারিখে তাঁহার সভাপতিত্বে অনুষ্ঠিত নির্বাচনী সভায় গোপন ব্যালটের মাধ্যমে শিক্ষক প্রতিনিধি নির্বাচনের ব্যবস্থা করিবেন।
- (ঙ) ভোট গ্রহণের কাজ সম্পন্ন হইবার সংগে সংগেই প্রার্থীগণ অথবা তাঁহাদের প্রতিনিধিগণের সম্মুখে ভোট গণনা করা হইবে। যে তিনজন প্রার্থী সর্বাধিক ভোট পাইবেন তাঁহারা নির্বাচিত বলিয়া অধ্যক্ষ কর্তৃক ঘোষিত হইবেন। যদি দুই বা ততোধিক প্রার্থী সমান সংখ্যক ভোট পান তবে লটারীর মাধ্যমে নির্বাচন সম্পন্ন হইবে।
- (চ) নির্বাচন সংক্রান্ত কোন সমস্যা এই বিধি অনুসারে সমাধান করা না গেলে সে সম্পর্কে সিদ্ধান্ত প্রদান-এর ক্ষমতা অধ্যক্ষের থাকিবে এবং তাঁহার সিদ্ধান্তই চূড়ান্ত বলিয়া গণ্য হইবে।

২৫। অভিভাবক প্রতিনিধি নির্বাচন :

- (ক) গভর্নিং বডির সভাপতির সাধারণ তদারকিতে তাঁহার দ্বারা নির্ধারিত তারিখে ছাত্র/ছাত্রীগণের বিধিসম্মত অভিভাবকগণের প্রতিনিধি নির্বাচিত হইবেন। এই নির্বাচনে সভাপতি নিজে অথবা তাঁহার দ্বারা নিযুক্ত কোন ব্যক্তি প্রিজাইডিং অফিসার-এর দায়িত্ব পালন করিবেন;
- (খ) নির্বাচনের ন্যূনপক্ষে ৩০ (ত্রিশ) দিন পূর্বে নির্বাচনের নির্দিষ্ট তারিখ ও স্থান কলেজের নোটিশ বোর্ডে বিজ্ঞপ্তিত হইবে এবং নির্বাচন সংক্রান্ত যাবতীয় তথ্য অভিভাবকগণকে অবহিত করিতে হইবে। বিজ্ঞপ্তি প্রদানের তারিখে যে সকল ছাত্র/ছাত্রী কলেজের নিয়মিত ছাত্র/ছাত্রী থাকিবে শুধুমাত্র তাহাদের বিধিসম্মত অভিভাবকগণই নির্বাচনে অংশগ্রহণ করিতে পারিবেন। ঠিকানাসহ এইরূপ অভিভাবকগণের একটি তালিকা অধ্যক্ষ কর্তৃক প্রণয়ন করা হইবে যাহা অভিভাবকগণের 'ভোটার তালিকা' হিসাবে বিবেচিত হইবে।
- (গ) উপধারা (খ) মোতাবেক একজন অভিভাবক সর্বাধিক তিনজন অভিভাবকের নাম গভর্নিং বডিতে অভিভাবক প্রতিনিধি হিসাবে নির্বাচনের জন্য প্রস্তাব ও সমর্থন করিতে পারিবেন। অভিভাবক প্রতিনিধি নির্বাচনে প্রস্তাবিত ব্যক্তির লিখিত সম্মতি ও ঠিকানাসহ মনোনয়ন ব্যক্তিগতভাবে অথবা রেজিস্ট্রি ডাকযোগে নির্বাচনের জন্য

নির্ধারিত তারিখের ১৫ দিন পূর্বে অধ্যক্ষের নিকট পৌঁছাইতে হইবে। অধ্যক্ষ এইভাবে মনোনয়নপ্রাপ্ত প্রার্থীদের একটি তালিকা অভিভাবকগণের অবগতির জন্য নির্বাচনের ন্যূনপক্ষে ৭ (সাত) দিন পূর্বে কলেজ নোটিশ বোর্ডে লাগাইয়া রাখিবেন। একজন অভিভাবক ব্যক্তিগতভাবে অনুপস্থিত থাকিয়াও নির্বাচনে প্রতিদ্বন্দ্বিতা করিতে পারিবেন তবে সেই ক্ষেত্রে তাঁহার লিখিত সম্মতিপত্র থাকিতে হইবে;

(ঘ) যদি প্রার্থীদের সংখ্যা তিন অথবা তাহার কম হয়, তবে সভাপতির অনুমোদনক্রমে অধ্যক্ষ তাহাদিগকে নির্বাচিত বলিয়া ঘোষণা করিবেন;

(ঙ) যদি সংখ্যা তিনের অধিক হয় তবে নির্বাচন বিজ্ঞপ্তিতে লিখিত তারিখ, সময় ও স্থান গোপন ব্যালটের মাধ্যম নির্বাচন অনুষ্ঠিত হইবে। একজন ভোটার সর্বাধিক তিনজনকে ভোট দান করিবেন। চেয়ারম্যান বা তাঁহার অনুমোদনপ্রাপ্ত ব্যক্তি এই নির্বাচনে প্রিজাইডিং অফিসার হিসাবে কাজ করিবেন। পরিশিষ্ট 'ক' তে প্রদত্ত ছকের অনুরূপ ব্যালট পেপারে গোপন ভোট অনুষ্ঠিত হইবে। ভোট-এর জন্য নির্দিষ্ট তারিখ, স্থান ও সময়ে প্রিজাইডিং অফিসারে কর্তৃক নিযুক্ত তিনজন ব্যক্তি ভোট সমাপ্ত হইবার পরে ভোট গণনা করিবেন;

(চ) একজন ভোট দাতা ব্যালট পেপারে একজন প্রার্থীর নামের পার্শ্বে নির্দিষ্ট স্থানে একটি মাত্র ক্রস (x) চিহ্নের মাধ্যমে ভোট প্রদান করিবেন। কিন্তু কোন অবস্থায়ই একজন প্রার্থীর নামের পার্শ্বে একাধিক ক্রস (x) দেওয়া যাইবে না। কোন ভোট দাতা ইচ্ছা করিলে একাধিক প্রার্থীকে ভোটদান হইতে বিরত থাকিতে পারেন। কোন অভিভাবক ডাকযোগে বা প্রস্বির মাধ্যমে ভোট দিতে পারিবেন না;

(ছ) প্রার্থীগণ অথবা তাঁহাদের মনোনীত ব্যক্তিদের সম্মুখে গণনাকারীগণ ভোট গণনা করিয়া নির্বাচনের ফলাফল প্রিজাইডিং অফিসারকে অবহিত করিবেন। সর্বাধিক ভোট প্রাপ্ত প্রথম তিনজন অভিভাবক নির্বাচিত বলিয়া প্রিজাইডিং অফিসার সভাপতির অনুমোদনের পরে ঘোষণা করিবেন। যদি দুই বা ততোধিক প্রার্থী সমান সংখ্যক ভোট পান তবে লটারীর মাধ্যমে নির্বাচন সম্পন্ন হইবে।

(জ) নির্বাচন সংক্রান্ত সকল বিষয়ে কোন বিধির অভাবে প্রিজাইডিং অফিসারের সিদ্ধান্তই চূড়ান্ত বলিয়া গণ্য হইবে।

২৬। প্রতিষ্ঠাতা, দাতা ও হিতৈষী প্রতিনিধি নির্বাচন :

(ক) অধ্যক্ষ অথবা তাঁহার দ্বারা ক্ষমতাপ্রাপ্ত ব্যক্তির তদারকিতে চেয়ারম্যান কর্তৃক নির্ধারিত তারিখে প্রতিষ্ঠাতা, দাতা ও হিতৈষীগণের প্রতিনিধি নির্বাচিত হইবেন;

- (খ) নির্বাচনের তারিখের ন্যূনপক্ষে পনের দিন পূর্বে প্রতিষ্ঠাতা, দাতা ও হিতৈষী প্রতিনিধি নির্বাচনের জন্য নির্দিষ্ট তারিখ, সময় ও স্থান নির্ধারণ করিয়া অধ্যক্ষ একটি বিজ্ঞপ্তি দিবেন। এই বিজ্ঞপ্তির পূর্বে তিনি প্রতিষ্ঠাতা, দাতা ও হিতৈষীগণের পৃথক পৃথক তালিকা প্রস্তুত করিবেন;
- (গ) নির্বাচনী সভায় উপস্থিত প্রতিষ্ঠাতা, দাতা এবং হিতৈষীগণের নিকট হইতে অধ্যক্ষ মনোনয়নপত্র আহ্বান করিবেন। প্রতিষ্ঠাতা, দাতা এবং হিতৈষীগণের মধ্যে হইতে প্রত্যেক ক্যাটেগরীর জন্য প্রতিনিধির নাম সেই ক্যাটেগরীর জন্য একজন প্রস্তাব ও একজন সমর্থন করিবেন;
- (ঘ) প্রত্যেক ক্যাটেগরী হইতে মনোনীত প্রার্থীগণের সংখ্যা একজন হইলে সভাপতির অনুমোদনক্রমে অধ্যক্ষ সকল প্রার্থীকে নির্বাচিত সদস্য বলিয়া ঘোষণা করিবে;
- (ঙ) কোন ক্যাটেগরীতে প্রার্থী সংখ্যা একাধিক হইলে সেই ক্যাটেগরীর জন্য অধ্যক্ষ প্রিজাইডিং অফিসার হিসাবে গোপন ব্যালটের মাধ্যমে প্রতিনিধি নির্বাচন পরিচালনা করিবেন;
- (চ) নির্বাচন পরিচালনার জন্য প্রিজাইডিং অফিসার এক টুকরা কাগজের কোণায় অনুস্বাক্ষর করিবেন এবং ঐ কাগজ প্রতিষ্ঠাতা, দাতা ও হিতৈষী ভোটারগণকে সরবরাহ করিবেন। প্রতিষ্ঠাতা, দাতা ও হিতৈষী ভোটারগণ উল্লিখিত কাগজে তিন ক্যাটেগরীর প্রত্যেকটিতে সর্বাধিক একজন প্রার্থীকে ভোট দিবেন এবং ভোট প্রাপ্ত ব্যক্তির নাম লিখিয়া প্রিজাইডিং অফিসারের নিকট কাগজটি জমা দিবেন। সর্বাধিক ভোট প্রাপ্ত একজন প্রতিষ্ঠাতা অথবা একজন দাতা অথবা একজন হিতৈষী নির্বাচিত বলিয়া সভাপতির অনুমতিক্রমে প্রিজাইডিং অফিসার ঘোষণা করিবেন।
- (ছ) মৃত্যু, ইস্তেফা বা অন্য কোন কারণে গভর্ণিং বডির কোন নির্বাচিত সদস্যের এক বা একাধিক পদ শূন্য হইলে গভর্ণিং বডি কো-অপশনের মাধ্যমে শূন্য পদ বা পদসমূহে সদস্য মনোনয়ন করিতে পারিবে।
- ২৭। অন্য কোন বিধিতে এই সংবিধির বিপরীতে যাহা কিছুই থাকুক না কেন এই সংবিধির বিধানাবলী কার্যকর হইবে।
- ২৮। এই সংবিধিতে কোন বিষয় উল্লেখ না থাকিলে সে সম্পর্কে সিডিকেট যে সিদ্ধান্ত গ্রহণ করিবে তাহাই চূড়ান্ত বলিয়া গণ্য হইবে এবং সিনেটের পরবর্তী অধিবেশনে তাহা অবহিত করিতে হইবে।

২৯। বাতিলকরণ ও সংরক্ষণ : (১)- জাতীয় বিশ্ববিদ্যালয় (অধিভুক্ত কলেজসমূহের গভর্নিং বডি) সংবিধি ১৯৯৩ এবং জাতীয় বিশ্ববিদ্যালয় (অধিভুক্ত কলেজসমূহের গভর্নিং বডি) সংবিধি ১৯৯৪ এতদদ্বারা বাতিল করা হইল।

(২)- উক্তরূপ বাতিলকরণ সত্ত্বেও বাতিলকৃত সংবিধির অধীনে কৃত সকল কাজকর্ম বা গৃহীত ব্যবস্থা এই সংবিধির অধীনে কৃত বা গৃহীত হইয়াছে বলিয়া গণ্য হইবে।

পরিশিষ্ট 'ক'

কলেজ গভর্নিং বডির বিধিসম্মত অভিভাবক প্রতিনিধি নির্বাচন.....
সাল..... কলেজ।

ব্যালট পেপার

ক্রমিক নং	প্রার্থীর নাম	ভোটের জন্য ক্রস চিহ্ন (X)
১	২	৩
২		
৩		
৪		
৫		
৬		
৭		

(ফিরোজ আহমদ আখতার)
রেজিস্ট্রার
এবং
সচিব, জাতীয় বিশ্ববিদ্যালয় সিনেট